



UPA2015/44  
28. april 2015  
Agathe Fontain

**Naalackersuinikkut sulinermut aningaasatigut tapiissuteqartarnek pillugu Inatsisartut inatsisaata allanngortinneqarnissaanut Naalackersuisut UKA15-imi allannguutissatut siunnersuuteqaqqullugit peqquneqarnissaannik Inatsisartut aalajangiiffigisassaattut siunnersuut, § 2 naapertorlugu partiinut tapiissutaasartut ersoqatigiinnerusumik agguataarneqarnissaat anguniarlugu, partiimut qinigaasumut tunngaviumik tapiissutit 900.000 koruuninut annertusillugit, Inatsisartunullu ilaasortaatitamut ataatsimut tapiissutit 150.000 koruuninut annikillisillugit. Allannguut januaarip aallaqqaataani 2016-imi atuutilersinneqassaaq.  
(Inatsisartunut ilaasortaqaq Justus Hansen, Demokraatit)**

Inatsisartunut ilaasortaqaq Justus Hansen siunnersuuteqarpoq partiinut tapiissutaasartut ersoqatigiinnerunerusumik agguataarneqarnissaat anguniarlugu.

Inuit Ataqatigiit erseqqissassavarput ullumikkut partiitut tapiissutit pissarsiarisartakkagut tamaviisa tamaasa atortarsigit. Innuttaasut sineriassuami naapikkusutagut tamakkerusunnartaqaat, ilaannilu aningaasatigut killilinnik atugassaqaarneq pissutigalugu angalarusukkaluit arriinnerusariaqartarmata. Inuit Ataqatigiit ilaasortaatitaat sinerissamut innuttaasut naapinnissaat, minnerunngitsumik pissutsit ilisimasaqarfiginerulerusutat pillugit angalasuumata, tassa Demokratiimik ammasumik sulineq, avinngarusimasunullu angalasarnerput takornartaanngilaq.

Siunnersuuteqartup partiaa qanoq sinerissami angalatiginera immikkut maluginiarsimanngilara, taamaamat taannartaa oqaaseqarfigissanngilara. Ilaasortat amerlaneruppata, aningaasartuutit amerlanerusarmata tupaallaassutaasinnaanngilaq. Ilaasortallu suliasatik pillugit suliakkersuippata ilaasortat amerlanerit sullinnissaannut partiit ilaasortaqaarnerusut aamma sulisunut suliakkersuinerusarput. Isertorneqarsinnaanngilaq inatsisartuni ilaasortat sulinerat assigiingitsorujussuummat, ilaasortaqaq eqeersimaartoq suliasaaleqinngeqaaq aamma ataatsimiinerup avataani. Maluginiarparput partit Naalackersuisuutitaqartut ilaasa, Naalackersuisunut allatsitit sulinerat ilaatigut partiianut sullissinermik aamma ilaqartartoq. Taamaattut ersingitsumik tapiinnertuit nalilissavagut ?

Namminersorlutik Oqartussani atorfilinnik allanik atorfinitsitsinerni atorfirmik allagarsiussaqaarnikkut inuttassarsiuisarneq piumasaaqaataasaraluartoq assignagu immikkut siunnersortinik atorfinitsitsinissamut periarfissiisumik Naalackersuisut kaajallaasitaliorsimapput. Kaajallaasitaliornikkut Naalackersuisut tamarmik immikkut siunnersortimik ataatsimik atorfinitsitsinnaatitaalerput, kisiannili Naalackersuisut Sulittaasuat immikkut siunnersortinik arlalinnik atorfinitsitsinnaatitaalerluni. Kaajallaasitaq malillugu immikkut siunnersortit Naalackersuisut partiimi sulinermut atatillugu ikiuffigisinnaavaat taamaasillutillu partiimi sulinermut atatillugu allat saniatigut partiit Naalackersuisuutitaqartut siunnersortaattut atorneqarsinnaanngorlutik.

Ingerlatseriaaseqarnermi partiit ataasiakkaat naalackersuinikkut siunnersuinermut atugassanik ikittunik aningaasassaqaarfigisaanni tamanna partiinik Naalackersuisuu-titaqartunik annertuumik iluaqusiisumik equngalersitsivoq. Pingaartumik eqqarsaatigigaanni tamanut ammasumik atorfirmik

inuttassarsiuilluni allagarsiussaqaarnikkut ministerimut allattunik tusagassiinermilu  
ataqatigiissaarisunik atorfinitsisisoqarsinnaammat suliasat assingisa ilarpassuunik  
isumaginnissinnaasunik, partiimut siunnersortitut atuunneq minillugu.

Inuit Ataqatigiit oqartariaqarpugut , kaajallaatitaq taanna periarfissaatillugu siunnersuut  
tapersersinnannginnatsigu. Kisianni oqaluuseriartigu

taammammat Inuit Ataqatigiit ersoqatioginnerusumik aaqqiisoqarsinnaanera pissutsit ataatsimut  
isigalugit nalilersorneqarniassammat ataatsimiititaliamut nalilersugassanngorlugu innersuupparput.